



STEPPING STONE
SCHOOL (HIGH)

Worksheet-19

Class- III

Subject- 2nd language Bengali

Topic- Handwriting and spelling

Date- 12/06/20

Time limit- 30 minutes

‘টুনটুনি আর নাপিতের কথা’ গল্পটির পরবর্তী অংশ নীচে দেওয়া হল। গল্পটি পড়বে তারপর দেখে দেখে একটি পৃষ্ঠায় হাতের লেখা করবে। যে সমস্ত শব্দের নীচে দাগ দেওয়া আছে তার বানান মুখস্থ করবে এবং একটি পৃষ্ঠায় লিখবে। তারপর পৃষ্ঠাগুলি যত্ন করে ফাইলে রেখে দেবে।

তা শুনে ইঁদুর জিভ কেটে কানে হাত দিয়ে বললে, 'ওরে বাপরে ! আমি তা পারব না।' তাতে টুনটুনি রাগ করে বিড়ালের কাছে গিয়ে বললে, 'বিড়ালভাই, বিড়ালভাই, বাড়ি আছে ?'

বিড়াল বললে, 'কে ভাই ? টুনিভাই ? এস ভাই ! বস ভাই ! খাট পেতে দি, ভাত বেড়ে দি, খাবে ভাই ?'



'ওরে বাপরে ! আমি তা পারব না।'

টুনটুনি বললে, 'তবে ভাত খাই, যদি ইঁদুর মার।'

বিড়াল বললে, 'এখন আমি ইঁদুর-টিঁদুর মারতে যেতে পারব না, আমার বড্ড ঘুম পেয়েছে।' শুনে টুনটুনি রাগের ভরে লাঠির কাছে গিয়ে বললে, 'লাঠিভাই, লাঠিভাই, বাড়ি আছে ?'

লাঠি বললে, 'কে ভাই ? টুনিভাই ? এস ভাই ! বস ভাই ! খাট পেতে দি, ভাত বেড়ে দি, খাবে ভাই ?'

টুনটুনি বললে, 'তবে ভাত খাই, যদি বিড়ালকে ঠেঙাও।'

লাঠি বললে, 'বিড়াল আমার কি করেছে যে আমি তাকে ঠেঙাতে যাব? আমি তা পারব না।' তখন টুনটুনি আগুনের কাছে গিয়ে বললে, 'আগুনভাই, আগুনভাই, বাড়ি আছ?'



'অত বল খেতে পারকনা, আমার পেট ফেটে যাবে।' [পৃষ্ঠা ১০

আগুন বললে, 'কে ভাই? টুনিভাই? এস ভাই! বস ভাই! খাট পেতে দি, ভাত বেড়ে দি, খাবে ভাই?'

টুনটুনি বললে, 'তবে ভাত খাই, যদি তুমি লাঠি পোড়াও।'

আগুন বললে, 'আজ ঢের জিনিস পুড়িয়েছি, আজ আর কিছু পোড়াতে পারব না।' তাতে টুনটুনি তাকে খুব করে বকে, সাগরের কাছে গিয়ে বললে, 'সাগরভাই, সাগরভাই, বাড়ি আছ?'